

მწევესი



მე ვარ მწევესი ეთნოლი: მწევესმა შეთიღონ სული თვისი დაჰსდგის ცხოვართთვის. (იოან. 10—11).

ვაოვე ცხოვარი ჩემი წარწმედელი. ესრეთ იყოს სინარული ცათა შინა, ერთისათვის ცოლილინა. (ლუკ. 15—16).

მოვედით ჩემდა ყოველნი მამულებნი და ტვირთ-მძიმენი და შეგანგისვენო თქვენ. (მათ. 11—28).

№ 1

1883—1894

15 ანგარა.

7126

1894 წლის «მწევესი»-ს

სელის მომწერლებს საჩუქრათ დაურიგდებათ
მოზარდული მხატვრობა

თაგარ მეზისა.

მხატვრობა წარმოადგენს იმ დროს, როდესაც შოთა რუსთველა მიართმევს თამარს თავის უყვლად პოემას «ვეფხისტყაოსანს». ამ მხატვრობაზე იქნება დახატული თვით შოთა რუსთველა და თამარის მხლებლებად იმ დროის ტან-საცმელში.

საახალწლო ნატყრა.

ეს სწორეთ მეთორმეტე ახალს წელს ვეკებებით, ჩვენა მკირფასო მკითხველნო, რაც ჩვენმა კამოცემამ დაგვანახლოვა ერთმანეთს. ეს 12 წელიწადია, რაც ერთად ვსაუბრობთ ხან მწუნარებით და ხან მსიარულად იმის შესახებ, თუ რანი ვიუხვით წინეთ, რა ვართ დღეს და რა ვიქნებით შემდეგში? ამ თორმეტი წლის

განმავლობაში ჩვენ ბევრი რამ კეთილი ვისურვებთ თქვენთვის, ჩვენო მკითხველნო; ვსურვობდით და დღესაც ვისურვებთ თქვენთვის უოველივე ბედნიერებას და წარმატებას. არა ერთსელ აღვნიშნეთ და განვმარტეთ, რომ ჩვენ სშირად ვცდებით ბედნიერების ძიების დროს; ჩვენ ვეძიებთ ბედნიერ ცხოვრებას უმეტესად იქ, სადაც იგი არ არსებობს. ცხაღათ აღვნიშნეთ ისიც, რომ უოველივე უბედურება და ბედნიერება ჩვენსედევა დამოკიდებული. ჩვენ ვართ მისეხი ჩვენი ბედნიერებისა და უბედურებისა.

დრო არის, ჯეროვანად და სულ სხვა რიგად დავაკვირდეთ ჩვენს ცხოვრებას და ჩვენს დღევანდელს მდგომარეობას. დრო შეუნიშნავად კარბის და ჩვენ სრულებით დაუფიქრებლად მივჩანჩალებთ იმედ-დაკარგული და დამაბუხებული. ნაცვლად იმისა, რომ ჩვენ თვალი გადავაკლოთ ჩვენსე უფრო კონებით დაწინაურებული ხალხის ცხოვრებას, დავაკვირდეთ მათ მისწრაფებას და განვითარებას და ვეკლავებში მათ მივბამოთ, ჩვენ გულსე ხელები დაკვირეფა და ერთმანეთის შურსა, ჩხუბსა და მტრობაში ვატარებთ დროს ჩვენ მტერთა სასისარულოდ. სრულიად კვაფიწედება, რომ ამხარი ქცევით ჩვენ ვიშადებთ უბედურებას და ვინმავთ ვსას მომავალი კეთილდღეობისადმი. რასაკვირველია, ესეთი ჩვენი ქცევა შეუძინეველი არ რჩება ჩვენის არაკეთილის მსურველთათვის და ისინიც, რასაკვირველია, მრ-

ვალ კისერ სატეს ხაფანგებს გვიგებენ, სადაც კი დაახელებენ.

მაგრამ სშირად მტერიც კი არა ნაკლებ სიკეთეს გვიშვება, ვინემ მოეყარე. სწორეთ მაშინ, როდესაც ჩვენი დაუდევნელობით მოსარგებლე ჩვენი არაკეთილის მსურველი გვიქადის ცუდსა, აი სწორეთ მაშინ ვიღვიძებთ, ვფხიზლდებით, შევიცნებთ ჩვენ შეცთომას და სისუსტეს და აღვიჭურვებით ხოლმე უოველი დონით და ძალით ჩვენი არაკეთილის მსურველთა საწინააღმდეგოდ და ჩვენ ნაკლთა შესავსებად, ვინატროთ, რომ ეს ქამი ჭკუა-შეცნებისა და გამოფხიზლებისა ძალე დავკდგომოდეს.

შორს ჩვენგან, უიმედობავ! შორს ჩვენგან სასოწარკვეთილებავ! «კეთილად წარმართე, უფალო, დასაწუისი და კარდასვლა წლისა ამის. ვევედროთ უფაღსა, რათა განსდევნოს ჩვენგან უოველნი სულთა გამსწწელანი ვნებანი და გამწწენელნი ჩვეულებანი. ვევედროთ უფაღსა, რათა მან აკურთხოს გვირგვინი მოწვეწულისა ამა წელიწადისა სახიერებითა თვისითა და დააცხროს ჩვენ შორის უოველი მტრობა, უწესობა, ურთიერთარსი ბრძოლა და მოკვანიჭოს ჩვენ მძვიდობა, მტკიცე და ზირუთუნელი სიუვარული, კეთილ-წესიერებითი თანხმობა და სათნოებითი ცხოვრება».

«ვევედროთ უფაღსა, რათა გვიხსნას სიუმილისაგან, სვრისა, ძვრისა, დანთქმისა, სეტყვისა, ცეცხლისა, მახვილისა და უცხო თესლთა შედამოსვლისაგან».

აი ჩვენი სავედრებელი ლოცვა ღვთისადმი ეგკლესიაში. ამას უნდა ვევედრებოდეთ ღმერთსა უოკელთვის და ეოკელს ადგილს, რათა უფალმა ისმინოს ჩვენი ვედრება და აღკვისრულოს ჩვენის გულის ნატვრანი. მოსპოს ჩვენში მური, ერთი ერთმანეთის მტრობა, ღალატი, და ნაცვლად ამავების დაამკვიდროს ჩვენში ერთობა, ძმობა და სიუფარული.

ღვ. დ. ღამბაშიძე.

ჩვენი ძველი მოღვაწეები

რით დაიმსახურეს ჩვენმა ძველმა მოღვაწეებმა დრმა პატრივისცემა და სიუვარული ჩვენი საზოგადოებისა? რატომაა, რომ რაც დრო მიდის, ისე ამ ძველ მოღვაწეთადმი ჩვენი საზოგადოების სიუვარული და პატრივისცემა უფრო და უფრო ძლიერდება? იმის გამო, რომ ეს კაცები ადჭურვილნი იყვნენ ჭეშმარიტი ქრისტიანობრივი სარწმუნოებით და კეთილზნეობით. იმათი მოქმედება, იმათი საქციელი, უოფა-ცნოვრება და სიტყვა-პასუხი ნიადაგ გამსჭვალული იყო ჭეშმარიტი სარწმუნოებით. ამ სარწმუნოებით ადჭურვილნი ისინი უველა შემთხვევისა და უოველგვარ გაჭივრების დროს მედგრად მოქმედებდნენ და შეუპოვარნი იყვნენ. მკირეს სწავლით დიდ საქმეებს ასრულებდნენ. დღეს ხშირად ვხედავთ უმაღლესი სწავლით ადჭურვილ პირთ, რომელთა მოქმედებას მკრთალი ფერი ადევს და შეუმჩნეველია საზოგადოებისაგან. რისგან ხდება ეს? იმისაგან, რომ ამ კაცების გულში არ დვივის ჭეშმარიტი სარწმუნოება, ეს კაცის მიმართულებისა და ნაუოფიერი მოქმედების დერი...

ძველი მოღვაწე კაცისათვის უველაფერზე უძვირფასესი იყო სარწმუნოების საგანი, რომელსაც უოველ მის მოღვაწეობის დარგში უცხოველესი და უძლიერესი ძარღვის ადგილი ეჭირა: რაც უნდა საქმით უოფილიყო იგი გართული, გინა საოჯახოთი, გინა სამოქალაქოთი, გინა სახელმწიფო და საეროთი, უოველთვის მოეპობოდა მას დრო, რომ თვისთა მოუვასათვის გულწრფელი აზრი გამოეთქვა შესახებ თავის რწმენისა ღმერთზე, კეთილზნეობაზე, ქველმოქმედებაზე, ურმათა აღზრდაზე და სხვ. და მათ შორის იშვიათათ ვიპოვნით ისეთებს, რომელთაც ჩვენთვის მათი გულნადები არ დაეტოვოსთ ამ მაღალი საგნების შესახებ.

თუ რა მიმართულების და კეთილ-ზნეობის იყვნენ ზოგიერთი ჩვენი მოღვაწეები, ამას ცნადათ დაინახავს მკითხველი ამ მოღვაწეთა ძველ ნაწერებიდან. დრო და დრო ჩვენს გამოცემაში დავბეჭდავთ ამ მოღვაწეთა ძველ ნაწერებს. დღეს ვბეჭდავთ განსვენებული დიმიტრი ყიფიანის ერთ შესანიშნავ წერილს, მიწერილს ბ. გიორგი მუხრანსკისადმი. აი ეს წერილი:

თამარო ბაჩუჩიშვილს,

უმოწავლესო ხელმწიფეო კნააზო

გიორგი იესესე მკ!

წერილი თქვენის ბრწყინვალეებისა, რომელითაც გენებათ, მოწუაღეო ხელმწიფეო, ესოდენ სასიქადულოდ პატრივისცემა ჩემი, მივიღე მე სრულით კმაყოფილებითა და ბრძანებისამებრ თქუწნისა ვპბედავ განსჯისა მის პასუხისგებასა, რომელიცა წინადადებად არს მას შინა განცხადებული. ხოლო ვიდრემდის შევუდგებოდე მე განმარტებასა წინამდებარესა ამის აზრისასა, ვიანოვ კრძალულებით თქუწნის ბრწყინვალეებისაგან, რათა სიტუქანი ჩემნი, ოდესმე უღონონი მოწიწებისაგან წინაშე მეცნიერებისა და გამოცდილებისა თქუწნისა და ოდესმე აღმო-

გებიონი უმეცრებისა ღ გამოუცდელობისა ჩემი-
საგან, მიათუალოთ მხოლოდ წრფელსა მას
სურვილსა. რომ შევიძლო აღსრულება ნებისა
თქუწნისა ღ სიამოვნება თქუწნდა საამოთ საუბ-
რობითა.

ვინა არს გონიერების მექონი იგი, რომელ-
საცა ძალ ედუას თქმად, რამეთუ ნივთნი აწინ-
დელნი არა ქმნილ იუწენ ღ ცხოველნი აწინ-
დელნი არა დაბადებულ? სარწმუნოება ჩუწნი
გვასწავებს და კეთილ-მსახუწლობა გვიმტკიცებს
სწავლასა ამას, რომელ უოველი იგი, რასაცა
ვხედავთ ჩუწნ, შექმნილ არს შემოქმედისაგან;
ხოლო შემდგომად—ერთნი იბადებიან და მეო-
რენი სხვა გვარად ჰსწარმოებენ თვისებითა მით,
რომელი მიანიჭა შემოქმედმან უოველსა ქმნი-
ლებსა თვისსა. ესრეთ უეჭუწლ არს, რომელ
კაცი იბადების კაცთაგან და სხვანი ცხოველნი
მსგავსთა ცხოველთაგან და უკეთუ განვიკითხეთ
მიზეზი უპირველესისა წარმოებისა მათისა, ვო-
ვებთ, რამეთუ პირველნი შთამომავლობის დამ-
წყებნი, შექმნილ არიან და არა დაბადებულ,
ეგრეთ ვითარცა ნივთნი უსულონი. განმარტე-
ბასა ამის აზრისასა შეუდგების კვალად ესეცა,
რომელ დმერთსა ენება განმრავლება ქმნილე
ბათა თვისთა და დასდვა კანონი გარდაუვალი,
რომლისა გამო განმრავლება შთამომავლობისა
დაფუძნებულ არს მოსპობასა ზედა წინმყოფ-
თასა, ცხოველება წარმოსდგების მოკუდინები-
საგან და უკეთუ მოკუდინება არა უოფილიყო
დაწყებული უზენაესის განმწყსებელისა მიერ,
მაშინ შესაძლებელ არს, რომელ ესოდენი სიმ-
რავლე, მაგალითად კაცთა, შეკრებილ ღ და-
ცულ ვჰყოფილიყოთ აქამომდე არსებობასა შინა
პირველთა მათ ორთასა. თქვენ, მოწყალებო
ხელმწიფეო, ფრიად კეთილად ღ ფრიად კანო-
ნიერად ჰსჯით, რამეთუ სიკვდილი არს აუცი-
ლებელი შემდგომობა სიცოცხლისა ღ ჰსწარ-
მოებს განუსაზღვრებელისა მის სიყვარულისა-

გან, რომლითაცა აღსავსე არს ჩვენდამო გონე-
ბა-მიუწდომელი იგი სივრცე დვთის სახიერებისა.
—ვინა არს იგი, რომელი არა ჰგმობდეს დმერ-
თსა და იტყოდეს, რამეთუ სიკვდილი ბოროტ
არს? არავინ; არავინ მათ შორის, რომელნი
აღიარებენ დვთის სახიერებასა ღ არსებასა.

გარნა, თქვენც მეთანხმებით, უბრწყინვა-
ლეო, რომელ იპოებიან ჩვენ შორის კაცნი,
უოველისა მორწმუნეობისა წინააღმდეგნი, რომ-
მელთათვის ბუნებას მიუნიჭებია, ჩვენ მორწმუ-
ნეთა განსაცდელად, გონება მახვილი და მეტყ-
ველება მჭევრი, რომლითა ეგზომ დააბრკო-
ლებენ ზრახვასა დვთის მოყვარებითსა.—წარ-
მოვიდგინოთ ჩვენ კაცი ესევეითარი; წარმოიდგი-
ნეთ, რომელ მე ვიყო იგი!—მომიტვეე, შენ
უფალო! საფიქრებელი ესე წინააღმდეგობა შენი
და, ვითარცა გუფთა მნიღველმან, იხილე გუ-
ლი ჩემი, აღსავსე სიყვარულითა და მორწმუ-
ნეობითა შენითა! და მიათვალე კინდა მგმობელი
ესე საუბარი ჩემი სურვილსა მას, რათა უმეტე-
სად დამტკიცდეს სახიერება უეჭველი, რომელსა
შენ შორის ვიეთნიმე იჭვენულობენ!.. წარმო-
იდგინეთ, ბრწყინვალეო, რომელ მე ვიყო კაცი
იგი, რომელსა არა ჰსწამს შემოქმედის სახიე-
რებაა, რომელ უოველსავე იჭვენულობს და
ითხოვს მტკიცესა საბუთსა უოველსა წინააღმდე-
ბასა ზედა თვისსა; მოისმინეთ ჩემი, მოწყალებო,
და მივასუხეთ:

ა. უკეთუ სიყვარული შემოქმედისა ჩვენდა-
მო განუსაზღვრებელ არს; უკეთუ შემძლებელიობა
მისი გონება მიუწთომელ არს; და უკეთუ ჩვენ
ვჰხადით მას მამად კაცობრიობისად: მაშა რამ-
სათვის არ ენება მას ბედნიერებაა შვილთა თვის-
თა? უბნობენ მორწმუნენი, რამეთუ არ არსე-
ბობდეს მისთვის არცა სივრცეა და არცა ქამი
და ნება მისი ჰხელმწიფობდეს მსოფლიოსა:
უკეთუ ჰსურებოდა მას კეთილი კაცთათვის, რამ
ექმნებოდა მბრკოლებელად?

ბ. პასუხს-მიგებენ მე ფვთის-მეტყველნი, რამეთუ უკეთუ სიკვდილი არა დაწესებულიყო, ქვეყანა ვერ დაიბრუნდა ზვის შორისა სიმრავლესა კაცთასა. ხოლო რამათვის? ნუ უკვე მეტყვის რომელიმე, რამეთუ ყოვლის შემოქმედი ვერ შემძლებელ ყოფილიყო, რათა მიეცა ქვეყანისათვის სივრცე ბევრის ბევრად უმეტესი, ანუ რათამცა განეჩინა ზომიერება ვითარიმე, რომელ ნათესაობა კაცისა განმრავლებულიყო მხოლოდ ეგოდენ, რაოდენსა დაიბრუნდა სივრცე ქვეყანისა?

გ. მაშინ არ გვექმნებოდა შიში სამინელისა პასუხისგებისა, რომელი წინა გვიძს სიკვდილის შემდგომ, და ვეგებოდით მარადის წარსაწყმედელსა ბოროტებასა შინა,—იტყვიან კაცნი სათნოიანი: ხოლო ნუ უკვე იტყვის ვინმე, რამეთუ შემოქმედი ვერ შემძლებელ ყოფილიყო განდევნად სიბოროტისა და დამკვიდრებად ჩვენ შორის ერთისა ოდენ სახიერებისა? მან მოგვანიჭა ჩვენ სრული ნება და დაგვინიშნა: რომელი რა არს კეთილი და რომელი რა არს ბოროტი. ხოლო სხეულისა ჩვენისა ვნებულებანი ესოდენ ძლიერ არიან ოდესმე, ანუ სურვილნი კაცობრიობისანი ესოდენ დაუწყნარებელ არიან, რომელ ოდესმე ქამიერის გულთქმის აღსრულება ნეტარება არს კაცისათვის და ამა ნეტარებისათვის ადვილად ივიწყებს, რომელ დატებობა ესე ბოროტი არს და წარწყმედულ რამათვის? ნუ უკვე შეუძლებელ იყო, რათამცა ჰხვედროდა კაცსა ერთი მხოლოდ გრძნობა კეთილისა და სურვილი სახიერებისა?

დ. უკეთუ მე ვარ შექმნილი ხატად და მსგავსად ფვთისად, ე. ი., უკეთუ მთადგმულ არს ჩემ შორის სული ფვთაებრივი და უკვდავი? რამათვის და ვკსცდები მე მარად წამს, ვკვამობ აღთქმასა და აღძრკვილებასა შემოქმედისასა, ვამდაბლებ დიდებულებასა ჩემსა და ვაწარმოებ

სულსა და ხორცსა შორის. ესე იგი, ჩემ შორის, მარადის დაუცხრომელსა განხეთქილებასა.

ე. მე ვარ შვილი ფვთისა საყვარელი, შექმნილი და დაბადებული დამბადებელის სადიდებელად და შედგენილ ვარ ორის ნაწილისაგან, რომელნიცა მარადის ეწინააღმდეგებიან საგანსა ჩემის დაბადებისასა, მტანჯვენ, მქენჯნიან, და მაგიერად ცხოვნებისა, რამათვისაც შექმნილ ვარ მე, მწყემდენ თვინიერ ნებისა და სურვილისა ჩემისა. რამათვის არს ესე?..

უკეთუ ბრწყინვალეობასა თქვენსა ენებება კეთილობათი ყურადღება და ინებებთ განუკუნავად და უდრტვინველად მოსმენსა მდაბლისა ამის მოხსენებისასა და ღირსმყოფთ პასუხისგებასა,—ვიკადნიერებ მაშინ, რათა აღურაცხო კვალიადცა კითხვანი იგი, რომელნიცა ურწმუნოთა მიერ ადვილ სათქმელ არიან. ხოლო მე სიღრმესა გულისასა მთაფლულ მაქვს პასუხი, ფვთის-მოყვარების შესაბამი, და ვითარცა ზემორე უკვე მომიხსენებოეს, ვკბედავ წინადადებისა ამის თქმასა მისთვის ოდენ, რათა ვასიამოვნო თქვენს ბრწყინვალეობასა და შეგიმზადოთ საგანი, რომელზედაც მეცნიერებასა, დიდ გამოცდილებასა თქვენსა შეეძლებოდეს განმანვილება მჭევრმეტყველებისა და საფუძვლიანის საუბრობისა.

სწვებრ დავშთები თქვენის ბრწყინვალეობის უმორჩილესი მონა

დიმიტრი უიფანო.

1841.

მაისის 24 დღესა.

ტფილისი.

მისს ბრწყინვალეობას, უფაფს სენატორს, დენერალ-ლეიტენანტს და კავალერს კნიაზს გიორგი იესესეს ძეს ქსნის ერისთავს.

ს ა ა ხ ა ლ წ ლ ო ლ .

მოგეხსენება, ჩემო ძვირფასო მკითხველო, რომ ჩვეულება სჯულზე უმტკიცესიაო და ამ ჩვეულებას მც ღვერდი ვეღარ აუხვიე; იმაზედ მოგახსენებთ, რომ როგორც ყოველთვის სხომის, ეხლაც უნდა ვისურვო თქვენთვის: სიცოცხლე, ბედნიერება, სიმ-
რთლე, ღღერძელობა, წარმატება, შეუსაბამო და სამრცხენო საქმისაგან ჯმნა, ოტება; ხოლო თავის თავისა და მოძმეთა საყვილდღეო საქმისადმი მტკი-
ცე და შეურყეველი წმიდა გრძობით სამოქმედოთ მს-
წრაფება. ამ წერილით, სხვა თუ არა, ეს მინც იქნება, რომ თქვენ მე დაგემუსაიფებით, მე თქვენი მორჩილი მონა კიდევ თქვენ გვახსენდებით და დღე-
სასწაულსაც ეს შეფერის. სოფელმა გლახებმაც ასე რციან: ყოველთვის «ფილასფოლოსობაც არ ვარგაო». ამ სახალწლო წერილის დაწერის დროს ძველი წე-
ლიც გამახსენდა და ყველაფერი თვალწინ გარდამე-
შალა იმისგან ჩადენილი ავ-კარგიანობა. მისგან ქმნილი უკუღმარობა უფრო ბევრი მომაგონდა, ვიდრე კე-
თილი. ასე გასინჯე, კინალამ ახალ სტუმარზედაც გული ამიყარა; მაგრამ რას იმართლე მქონდა მეფიქრნა, ახალი წელი დიდს ბედნიერებას არ მოგიტანს-მეთქი! რასაკერაფელია, როგორც ყოველთვის წრეულისაც მასპინძლურათ დაეუხედიო, ვარდაუშალოეთ ქართულათ გული. პური არ გვიზოგავს და ღვინო! რაც შეიძ-
ლებოდა კიდე ტკბილფულობით პირი ჩუმტკბანურეთ, მეტი რალა უნდა? ჩვენ მისი აღარაფერი გემართებს. ეხლა ხხოლოდ ჩვენი ვალი მართებს მას. შეიძლება ზოგიერთმა დაიჯინოს და მკითხოს: რა ვალი მარ-
თებს? და რაც ჩვენი საქმე უკუღმა ტრიალებს, წალ-
მით შამობარუნოს, რედაქციას რედაქცია შეაყვაროს, ნწერალს ნწერალი, მღვდელს მღვდელი, ერს ერი, ბერს ბერი და ყველას ერთად ერთმანეთი. ჩვენს ქალებს შეაყვარო: ქართულის ლაპარაკი, ჟურნალ-
გაზეთების კითხვა, კარგი მეოჯახობა, ქრა, კერვა, ყოველგვარი ხელსაქმარი, ლაჩაქი და თავებურვა, შეიღების აღზრდა და ნამდვილი ძველებური დღეობა. შეაყვაროთ აგრეთვე ნინოების, ეკატერინების, ანა-
სტასიების და მსგავსთა აზროვნების მიმდევრობა. შეაძულოს: უსაქმობა, კორიკანობა, ახალ-ახალი მოდები, შლიაპები, იმაზედ ორ-ორ მანეთიანი ვარ-
დები, ფერ-უმარული, პრანქვა-გრება და სხ. და სხ.

ყოველი გულის საწადელი ნატურა აგვისრულოს. აი, ახალ წელიწადს ეს ვალი მართებს ჩვენი! აბა, დას-
ტურ, ალაღა ხომ არ არის ასე გულუბნე მასპინძ-
ლობა! იქნება კიდევ ზოგიერთმა მკითხველმა ისე საოხუნჯოთ ამიგდოს და მკითხოს: ყოველი ნატურა აგვიხდინოს, რომ ამბობო, შენ რას ინატრებდიო? რას ვინატრებდი? რას ვინატრებდი და დავისხამდი ქიქაში საჯაოხელს მუღლუფასავით შავს ღვინოს, დავიკაგებდი ხელში და როგორც ძველათ იცოდნენ ახალ წელიწადს ღვინით დალოცვა, ისე დავილოცავ-
დი, ნატურაც ის იქნებოდა და დალოცვა. ვიცი, რომ ზოგიერთები ამეკვიტება და დამიჯინებს: ერთი მო-
ჰყვევი იმ ძველებურ სახალწლო ღვინით დალოცვასო. და აბა ახალ წელიწადს ვარის თქმას როგორ გაგებ-
დაე! დიდის სიამოვნებით, ჩემო ბატონებო! აი, ის ძველებური სახალწლო ღვინის დალოცვაც:

დაღება აქვს ღმერთსა,
მადლი მოწყალესა.

ღმერთო, მიეცი ზეგნს მსაჯეს
ჭაკო შეზაკეული,
ოჯახი შუწით და ღვინით
სამსე და გალაღებული.
სასიმიდე და ბეღელი
ან გკქონდეს ამოლეული,
მჯაჭრი გაშოკე, მუღამ უამ
გუამოფე განაკეული.
შვილება მოკვეტ ჰკვიანი,
ნასწაული, განათლებული,
სამშობლოს საკეთილდღეოდ
მოქმედი, თავდადებული.
ან გაუკვირდეს ტოტარამ,
ან განდეს თავსეული
ყოველი საქმე წინდაწინ,
რომ ჰქონდეს გამოჩვეული,
ქვეუნი მტეკს უდგეს კრიჭაში,
გულმწერალი, გაბრაზებული,
რომ დაუბნის მათ საქმე
დაწუბილ-გამოგებული.
კით მინდვრად მინადრასგან
იკეში გამოგდებული,
უგან გაბოღენ ის ბილწნი
შიშნეულ-აბრტებული.

ერთმანეთს თავ-პირს ამტკრეკდეს
 პიწაში, გამწარებულად;
 ბნელს სდებდეს ერთი მეორეს,
 ძლეული, დამარცხებული.
 ნატრობდეს წარსულ სისარულს,
 გულმკვლად, დანადგლებული,
 ვერ მიხვდეს, რასაც ჭგონობდეს
 ტეინ-გამხმარ გალაყბებული.
 ჩვენი წაინდი შესტკეწდეს
 ამ ყოფას გალომებული,
 ხარობდეს, ქვეყნად რა ნახოს
 მშვიდობა დამყარებული,
 სტეიდეს დაფსა და ნაღწას,
 ღსინობდეს გახარებული.

ადვისრულე, რაც რამ გთხოვკეთ,
 ღმერთო, ჩვენი პატრონო!
 გაუმარჯვე აქ ბძინებულს
 და შენდობა, ბატონო!

რ. საფაოხელი

ახალ წლის გამო.

გამოცანა აუხსნელი ჩვენი ღრობა...
 ის კაცის გულსა აძლევს ძლიერ მცირე შეებასა;
 განუწყვეტლად ის მიზნის და იქ მიიჩქარება,
 სადაც სამუდმო სუფევა აქვს სათნოებასა...
 დასაბამიდგან წვალეებულსა ადამიანსა—
 ეგრ შეუგნია ჯერ თავისი დანიშნულება
 და თვის ტანჯვას კი ბედს აბრალებს თვალცრემლიანი,
 აბრალებს... ოხრავს და კენესაში მას სული ხდება.
 უმეტესობა ამ სოფელში ოქროს აღმერთებს,
 და არ არსებობს მისთვის სხვა რამ მაღალი,
 პიროტყვის. მსგავსად უგუნურად სიცოცხლეს ჰჰვანტავს,
 და «კუჭის მრწამსი» მისთვის წმიდა არს იღვალის.
 სანუგეშებლად ყოველითვისა მოიპოვება
 კეთილშობილი მცირე გუნდი რჩეულ კაცების,

რომელს მოძმისა უმეცრება ღრმად გულსა უწყლავს
 და მოციქული არას მუდამ ჭეშმარიტების...
 მაგრამ ხშირად მოცუქტულსა ჭეშმარიტების
 უვსური ხალხი სდგენის უღეთოდ და აცეპს ჯვარზედ,
 ძნელა ხვედრი ბოროტისა მამხილებლისა
 ხშირად იკვლებს იგი ძმისთვის საკუთხეველზედ.
 იკვლებს ხშირად... ქვეყნად მაინც მამონი მეფობს,
 ეს მტერი აზრის თავისუფლად აღყვავებისა,
 მტერი, რომელიც გამარჯვებას დღესასწაულობს,
 გამარყენელი კაცის პატივის და მის ღირსებისა.
 დღესასწაულობს... ყველგან ხედავ მლიქნელობასა,
 სიკრუტეს, სისხლსა... მაიმუნურს მახარობასა,
 განძახს სიძულვილს სიპართლისას, მამლა-ყარწობას,
 კაცის ღირსების დამცირებას, პიროტყვობასა...
 ხედავ... შეგნებულს კაცს ცრემლით გვეება თვალი
 და შევბნელდა გეხატება შენ მომავალი...
 იმედ-მიხდელი სწყველი დღესა შენის შობისას,
 კაცის სიწამხლრეს, უბედურსა ხვედრსა მისასა,
 მაგრამ ამე დროს ხედავ მცირე ღვაწლს კეთილისას
 და გმირულს ლტოლვას ცოდნისადმი გონებისასა...
 მსწრაფლად მხნეველები ნაღვლიანი... მაგრამ ღროება
 მაინცა მარბის და თან მიაქვს ტვართი ტანჯების,
 სისხლ-ცრემლით სვრილი... მიზნის და იქ მიესწრა-
 ჟება,
 სადაც ანათებს კურთხეული მზე სათნოების...
 მიზნის... და მას საუკუნო ჩარხის ტრიალში,
 ვითა ფურკელნი შემოდგომის კაცნი სცივიან,
 მილიონობით ხალხი ჩადის ბნელს სამარეში
 და ახალ-ახალ თაობანი იბადებიან...
 ისევე წვალეება... მაგრამ კაცსა მუდამ წამებულს
 მაინცა უყვარს წუთისოფლის მოკლე ცხოვრება,
 უყურებს იმას, როგორც ჯილდოს ზეცით მოცე-
 მულს,
 ულოლაეებს მას მოწიწებით და ეფერება...
 უყვარს... ეს აძლევს მას მხნეობას ეკლიან გზაზედ
 და ეს მხნეობა მის გულში შობს იმ წაღარწმენას,
 რომ დღეს თუ არ ხვალ სიპართლის მზე ამოვა ცაზედ
 და სიხარულის სხივებს მოჰჰუწს აწ წყლულს ქვე-
 ყანას

მოჰყენს... და კაცი წამებული მაშინ იხარებს, —
 მაშინ შეიგნებს იგი თავის დანიშნულებას,
 ზოროტებისა ზერს კერპს ზიზღით ძირს დაანარცხებს
 და გაღმერთებს კეთილსა და ქვემარტებას.
 მაშინ სანატრი ყველასათვის ხანა დადგება
 დედა-მიწაზედ — სიმატილის და ნეტარებისა, —
 და ხორცს შეისხავს უმადლესი იესოს მცნება
 მშვიდობისა და კაცთა ზორის სათნოებისა.
 მაშინა მხოლოდ მაშინ მიწას შუქი ახალ მზის
 უღრუბლო ციდან მანათობლად გამოუჩნდება...
 და კაცს შეგვიღვას, გახსლებულს, ვით ნამი ზეცის,
 ახალა სული ახალ ცოდნათ მოველინება.
 და ეს რწმენაა თანშობილი ყოველის კაცის,
 რწმენა მთელისა ცის ქვეშეთის, ქვეყნიერობის,
 რწმენა, რომლისა ხორც შესხმისთვის მსხვერპლად
 იკვლების
 რჩეულნი შეილნი ცოდვით ხავსე კაცობრიობის...
 ილ. ჩხერიმელის-პირელი.

ჰედაგოგის ისტორიიდან

ბავშვებს აღზდა რამში

(გაგრძელება *)

კატონმა დასწერა თხზულება: «ბავშვების აღზდა». ამ თხზულებამ ჩვენამდის ეგრე მოაღწია. ვიცით, რომ კატონი იყო საშინელი მტერი ბერძნული განათლებისა, რომლითაც რომაელები ძლიერ იყვნენ გატაცებულნი იმის დროსა. ის მუდამ ამბობდა: «ბერძნები ცუდი ხალხია» და თამამად უქადაგებდა მოძვე ერს შეეყვარებია სულით და გულით თავისი დედა-ენა, მუდამ თვალწინ ჰქონოდა გამოხატული წარსული თავ-გადასავალი რომისა, მისი დიდებული ისტორია. კატონი უქადაგებდა რომაელებს არ დაეკარგათ ძველი რომაული ხასიათი, ძველი რომაული მარტივი ცხოვრება — უქვეყლია, რომ კატონი თავის თხზულებაში «ბავშვების აღზდა» თვისს კეთილ-შობილურს ახარებს გაატარებდა.

*) იხ. „მწყემის“ მე-22 № 1893 წ.

ცნებასა სცხოვრებდა ქრისტეს წინ. აღზდას — ამისი აზრით — მიზნად უნდა ჰქონდეს განავითაროს ბუნების მიერ მოცემული, თანშობილი ნიჭები ბავშვისა, განსაკუთრებით მისი კაცობა-გონება. ბავშვს პატარაობითვე უნდა შეაჩვიონ ღირსი შრომა, საქმიანობა, და უნდა განავითარონ მასში კეთილ-შობილური მიდრეკილებანი. ბავშვები უნდა მოშობილურ იქმნენ სხვა და სხვა ცუდს, ზნეობის და ხასიათის გამრყენელს მაგალითებსა. ისინი უნდა შეაჩვიონ პატარაობითვე სძლიონ სხვა და სხვა გასაქრთა, სხვა და სხვა ნაკლულენებთან, რომელნიც კაცს ხშირად ხედება ცხოვრების გზაზედ. ესრედ აღზრდილი ბავშვი დიდობისას იქმნება უქვეყლად მხნე, შრომის მოყვარე, მუყიათი, სახარებლო თავისთვისაც და ქვეყნისთვისაც.

დიდს ყურადღებას აქცევს ციციკონი ბავშვების აღზდას საზრუნოების ზედ-გაველენის ქვეშე. საზრუნოება — იმის აზრით — არის საუკეთესო წყარო ხალხის ზნეობითი განვითარებისა. თუ ბავშვს სწამს, რომ ღმერთი ხედავს ყოველს მის საქციელსა, გრძობებსა და აზრებსა, ის ეცდება სიკუდილს აშორდეს და მოიქცეს ისე, როგორც ღმერთს ესამოვნება.

ბავშვს მშვიდად და სამართლიანად უნდა ეპყრობოდნენ, მაგრამ არც შეტის მეტი მოფერება და მოალერსება ვარგა. მოფერებას შეუძლია ბავშვი განებებროს და აუზნეს მიაჩვიოს. დასჯას მიზნად უნდა ჰქონდეს არა სამაგიეროს გადახდა ბავშვისათვის, არამედ მისი ზნეობითი გასწორება, გაუმჯობესება. კაცის ბუნების დამამკირებელი სასჯელი ბავშვს არასოდეს არ უნდა მიუსაჯონ. დასჯას ბავშვისას უნდა მიმართოს აღმზრდელმა მხოლოდ უკიდურეს შემთხვევაში.

გონებითი განვითარებისათვის დიდი მნიშვნელობა აქვს მენსიერებას (ПАМЯТЬ), ამ სალოროს კაცის ცოდნებისას, ციციკონი ურჩევს მასწავლებელს ზებირად ასწავლოს მოსწავლეებს სხვა და სხვა საუკეთესო ნაწარმოებნი პოეტებისა, თუნდაც ამ ნაწარმოებთა შინაარსი არ ესმოდეს ბავშვებს. ამ შემთხვევაში — ამბობს ციციკონი — ენა შეითვისებს მშვენიერს სიტყვებს და მენსიერება კი — მშვენიერს აზრებს.

მაგრამ ჩვენის მხრით ჩვენ არ შეგვიძლია საესებით მივილოთ ასეთი აზრი ციციკონისა. რომ მენსიერების განვითარებას დიდი მნიშვნელობა აქვს ცოდნათა შეძენის საქმეში, ეს ცოტად თუ ბევრად ყოველი შეგნებული პირისთვის ცხადია. მაგრამ წაკითხულის შინაარსის შეგნება და შეთვისება შეადგენს ერთს არსებითს მოთხოვნილებათაგანს სწავლე-

ბისას. უკეთუ მოსწავლეს წაკითხულის შინაარსი არ ესმის, რას გააწყობს მარტო «მშვენიერი აზრების» და «მშვენიერი სიტყვების». ზეპირად შესწავლა?! ბავშვი მხოლოდ მაშინ განვითარდება გონებით, მაშინ იქნება ის მომავალში მკოდნე და შეგნებული ადამიანი, როდესაც მისი საკუთარი თვით-მოქმედება მონაწილეობას იღებს ცოდნათა შექმნაში, როდესაც მას კარგად ესმის და ცხადად გავგება ის, რასაც სწავლობს, ან რასაც ასწავლიან. წინააღმდეგ შემთხვევაში მისი მცხიერებაც ძალე დაიღლება, დაჩლუნგდება და ბოლოს, გონებით განვითარებულის, შეგნებულის პირის ნაცვლად ხელში შეგრჩებათ განუვითარებელს, «გამოურუევებელი» პირი. თუთიყუშური ზეპირობა, შეუგნებელი რახა-რუხი სიტყვებისა და ფრაზებისა ბავშვს ვაზდის სხვისი აზრების ყურმოჭრილ ყმად და მოჰყლავს მის გულში ლტოლილებას თავისუფალი, საკუთარი განვითარებისადმი. განა ცოტანი არიან ჩვენში დღეს ისეთი პირები, რომელთაც დალაგებული ლაპარაკი არ ცხებებათ, წიგნებს არ ჰკითხულობენ, ჭამა-სმის მელს არას აკეთებენ?! ამ ფაქტობრივებს მშვენიერი «დიპლომები» და «ატტესტატები» აქვსთ... მაგრამ ერთის მხრით ასეთის პირების გამართლება შესაძლოა. ეინ იცის, ეგება ცუდმა აღზრდამ, არა-გონიერმა სწავლებამ, თუთიყუშურმა ზეპირობამ მოჰკლა მათში თვით-მოქმედება და მისწრაფება თავისუფალი ძალა დაუტანებელი განვითარებისადმი?!

ჭაბუკმა—ციცერონის აზრით—უნდა წინდაწინ განსაზღვროს, რა მოქმედება, რა სამსახური უფრო შეეფერება მის ხასიათს, რაა მისი მოწოდება მომავალში, ასწობ-დასწონოს თავისი ნაკლულეფანებანი და ღირსებანი და ამისდაგვარად თავისი თავი მომავლისთვის მოამზადოს. ჭაბუკი პატრეს უნდა სცემდეს უფროსებს, მოხუცებულებს, შეეჩვიოს ზომიერს ცხოვრებას, მოითმინოს სხვა და სხვა ნაკლულეფანებანი, შეიძაგოს ხორცის განებიერება, ნაყროვანება. მხოლოდ ესრედ აღზრდილი ჭაბუკი მომავალში იქნება ნაშდელი ადამიანი, კეთილშობილი მოქალაქე, სასარგებლო სამშობლოისთვის და მოძმე ერისთვის.

აღ. ფეანაკე.

ბ ი ბ ლ ი ო ზ რ ა უ ნ ი ა.

არაკები, მოწაფეთათვის სახმარებლად სულხან-საბა ორბელიანისა, გამოკრებილი (სიბრძნე-სიცრუვიდამ) და გამართული ნ. მთვარელიშვილის მიერ.

დიდი სიძვირეა ჩვენში ზვირანათ დაწერილის და გამოცემულის საყმაწვილო წიგნებისა. შინაარსი რომ აღარ მოვიხსენიოთ, მარტო გარეგანის მხრით სუფთათ შედგენილი წიგნი სანთლით საძებარია. ერთ გვერდს ისე ვერ გადაშლი, რომ ზედ ათიოდე გრამატიკული ნაცთომი, ან რუსიციზმები, ან კიდევ ცნებათა და სიტყვათა არევე-დარევა თვალში არ გგზირებოდეს. მარტო ამ მხრით რომ გავსინჯოთ, მაშინაც შეუღარებელ საუნჯედ უნდა ჩაითვალოს ჩვენის სკოლებისათვის «სიბრძნე-სიცრუვის» არაკები. თვითიული არაკი ისეთის დაბიურის და კლასიკური ენით არის შეზმნილი, რომ არ შეგიძლია სადმე კენტი სიტყვა ან დააკლო, ან შემატო, თუ სიტყვის ეკონომიას და ცნებათა წარმოჩინების ფიზიოლოგიურ წესებს არ დაარღვევ, შინაარსის მიხედვით რომ გავსინჯოთ «სიბრძნე-სიცრუვის» წიგნი, თამამათ შეგვიძლია ვთქოთ, რომ, თუ რომელიმე ერსა ჰყავს მეზრაკე, ჩვენცა გყავს. ვერც საგანთა მრავალფრობით, ვერც გონების სიმკვეთრით, ვერც საამურის იუმორით ესაბას ვერ დაჰკრავს ვერც ერთი დიდებული მეზრაკე და რამდენია სულ ამისთანა მეზრაკე? სულ ოთხიოდე მთელს დედამიწის ზურგზე!

ამიტომაც საუტხოვო ფიქრი მოსვლია ამხანაგობას ამ წიგნის ხელახლა გამოცემისა და თან ასე გამართვისა. ამ გამოცემას სჭირს სამი სიკეთე: წიგნში მოთავსებულია ყველა არაკები «სიბრძნე-სიცრუვისა, რანიც ყმაწვილს წეკათხება, და თვითიული არაკი შინაარსის შესაფერათ სახელდებულია. წიგნს ზედართული აქვს საჭირო ბიოგრაფია ავტორისა, ბოლოს ძნელ-გასაგები სიტყვების ლექსიკონიც მიყოლებულია.

მაგრამ (უმაგრამოთ ხომ დაუდევრობისა გამო ადვილი საქმეც ვერ კეთდება ჩვენში) ამ სამ ღირსებას სამი ნაკლიც ათანიაეგბია. ერთი ის, რომ გამართველს ლექსიკონში შეუტანია ახსნა აირა სიტყვებისა: ცელი, ყასაბი, თემი, სამსალა, მანგალი და სხ. და სრულიად აუხსნელად გაუშვია ისეთი იშვიათი სიტყვები, როგორნიც არიან: მოთხე, პირაშკეული,

ფოლორკი, მუნ, დაუცან, ქენება, მრწემი, სისხლი შემოქმენა, როკვა, ყარშიობა, მაშია, გალმდა, წავეულთ (წართმევის აზრით) და სხვ. ზოგი სიტყვა კი ბუნდით არის ახსნილი, მაგ. ჰუბუტი.

მეორე ნაკლის არის, რომ გამმართველს წიგნის ზოგადი შინაარსი სრულიად უყუარდებოდ გაუშვია. საჭირო იყო, რომ პატარა მკითხველები ამ მხრივაც გაცნობებია «სიცრუვის სიბრძნესთან». ეს გაცნობება საჭიროა ყველა იმათთვისაც, ვისაც მთელი წიგნი არ წაუკითხავს ერთათ, ან წაუკითხავს, მაგრამ შიგ გბმული ძაფი ვერ მიუგნია. შინაარსი შეიძლება სულ ხუთიოდე ფრაზით გამოხატულიყო და შიგ გმირები მოხსენებულყო. უამისოთ კი გაუგებარია აი ამისთანა ადგილები წიგნში: „რა ესე გაჰყენა, მეფეს იამა, ლეონს მადლი უბრძანა...» (გვ. 46) «ლეონ მოახსენა მეფეს: ჩემი შობისა და მამადედათა უცნობელობისა უწინარეს (?) ეკადრე მეფობასა თქვენსა...» (გვ. 79). «შენ მაგ ბუნების პატარანი ხარ, ყოველი კაცი გიყვარს და მე კი ყველანი მძულან... მე ვისზე რა დანაშაული მაქვს, რაც კუდათ არ ამამტეოდენ» (გვ. 64). შეიქმნა დიდი თქმულობა მეფესა, ვეზირსა და რუქას შორის... რუქამ იგივე სთქვა, ლეონ აფიცა ჯუმბერსა» და სხ.

არაკების ხელში ამღებმა წინდაწინვე უნდა იცოდეს, რომ იგინი გამოკრებილია «სიბრძნესიცრუვის წიგნითგან», სადაც გმირები მეფე ფონებს, ვეზირები სედრაქ და რუქა, აღმზრდელი ლეონ და მისი მოწაფე, უფლის წული ჯუმბერ შეცილებულან სხვა-და-სხვა წიგნებზე და კამათობაში თავანთ აზრების დასამტკიცებლათ მოჰყავთ არაკები. ეს არაკები, გონდ ცალკე წაიკითხო, მაინც აზრია შიგა და თუ წიგნის შინაართან შემხებლობას მისცემ, კალევ უკეთესი.

დასასრულ, რაკი წიგნი სამოწაფოდ არის დანიშნული, არ შეგვიძლია არ შევეხოთ მის ეთიმოლოგიასაც. წიგნში ნახმარია მრავალგზობითის სახის ზმნის ფორმა: აჭამის, ასეს, მოვიდინ, შექმნიან და სხ. გამმართველს ერთხელ მაინც უნდა შეენიშნა სადმე, თუ რას ნიშნავს ეს და როგორ იხმარება დღეს. საჭიროა სამოწაფო წიგნი მზამზარეულათ იყოს შედგენილი, თორემ, ვინ იცის, როგორს ოსტატს ჩაუყარდება ხელში.

კორექტურაც არ არის წუნდაუღებელი. გამმართველი ზოგან ხმარობს ნუნს, ზოგან ენს. პირველ-

სავე გვერდზე წერია: ნადირობდენ, ცლილობდენ, რონინდენ. მეექვსე გვერდზე: გამოვიდენ, იქცენ, მძულდენ. ხან ისეა, ხან ასე, როველს დაადგეს ამის შემხებლად მოწაფე კითხვაში, წერაში და სიტყვაპასუხში? ნუნ უნდა ზმნას ბოლოში წარსულ დროში, მრავლობითს რიცხვზე, თუ ენ? ეს საკითხი უკვე გარდაწყვიტა გაზეთ «ივერიამ» მას შემდეგ, რაც ბ. ესომმა თავისს კვლევაში გამოაცხადა ამას წინაშე, რომ ნუნ არის კანონიერი. ამას ამტკიცებს რალაც ძველის ფორმებით, რომელიც უკვე ამოიჭმა ქართულმა ენამ. «კვალი» უარჰყოფს ამას და ხმარობს შემოკლებით ენ: მოვიდენ, წეწდენ, და აწიან, ახლაც ხმარობს ხალხი ზოგჯერ ძველ ფორმას მესუფლანან; ნაცვლად ახლის ფორმისა-მოსულან. ბ. ესომი იმასაც კი ამბობს, რომ ხალხი ამბობს ასე: მოვიდენ, დაეცენ და სხ. ვარწმუნებთ პატივრემულს ენის მკვლევარს, რომ ხალხის სამი მეოთხედი ამბობს: მოვიდენ, დაეცენ და სხვ. «ივერიაც» მალე ასე იტყვის, როგორც დღეს უკვე ამბობს ნაცვლად უწინდელის სიტყვისა სოფლიადგან, სიტყვას სოფლითგან... არაკების სათაური ზოგჯერ უკანონოა, მაგ. მწიფგანა უნდა იყოს მომწიფანა.

ქართულის ენის მასწავლებელი.

ახალი ამბები და შენიშვნები.

თბილისის ადგილობრითი გაზეთებისაგან გამოცხადებული ამბავი, რომ რუსეთიდან უკვე ჩამოვიდა რევიზორი თბილისის სასულიერო სემინარიის საქმეებისა გამო, ტყუილი გამოდგა. გაზეთებისაგან გამოცხადებული რევიზორი, გვარად ნეჩაევი, გამოდგა ვილაც ვაჭარი, რომელიც ჩამოსულა რუსეთიდან თავის საქმეებისა გამო. ხსენებული საქმის გამოსაძიებლად, ვკონებთ, რევიზორი არც კი მოვიდეს ჩვენს სემინარიაში, რადგან ყოველივე ხსენებული საქმის ვითარება სემინარიის გამმართველს მოუხსენებია უწმიდესი სანოდისათვის, რომელიც ამ მოხსენებისა-

მებრ დაადგენს თავის აზრს. ხმა ისმის, რომ უწმიდეს სინოდში ამ საქმის შესახებ მსჯელობა მოხდებოდა 12 იანვრიდან 15-დღე. იმედია, რომ ამ მოკლე ხანში მოხდება რაიმე განკარგულება და სემინარიის მოწაფეებსაც დაიბარებენ. ამ განკარგულებამდე არც სემინარიელები უნდა წავიდნენ სემინარიაში, როგორც ეს მათ ბილეთებშიც უწერიათ.

* *

14 იანვარს, წმ. მოციქულთ-სწორის საქართველოს განმანათლებელის ნინას დღეობას ყოვლად სამღვდლო იმერეთის ეპისკოპოსმა გაბრიელმასწირა ქუთაისის საქალბო სასწავლებლის ეკლესიაში. წირვაზე გალობდა თვითონ მოსწავლე ქალებისაგან შემდგარი ხორა ქალბატონი თამარა მესხის ლოტბარობით. განიცადენის დროს ამ სასწავლებლის სჯულის მასწავლებელმა მღვ. მ. ალექსი გიორგაძემ წარმოსთქვა დღის შესაფერი მშვენიერი სიტყვა. ამ სიტყვას ჩვენ შემდეგ ნომერში დაბეჭდავთ. წირვაზე მრავალი საზოგადოება დევსწრო. წირვის გათავების შემდეგ გადახდილ იქნა სამადლობელი პარაკლისი წმ. ნინას სახელობაზე. შემდეგ პარაკლისისა მრავალი საპატიო სტუმრები მიწვეულ იქმნენ სასწავლებლის უფროსისაგან საუბმეზე.

* *

როგორც ქალაქის ახალი მოურავის დანიშვნა დაეტყო ქუთაისს, ისე ახალი პოლიციის უფროსის ბ. სვიმონოვის დანიშვნამ იქონია სასურველი შედეგი. «წერეთლის აბაზები», რომელიც დღემდის ასე ბლომად საღებოდა ხალხში და დიდ ზარალს აძლევდა ჩვენს საზოგადოებას, დღეიდან იმედია, სამუდამოდ მოიშობა, რადგან ბ. სვიმონოვის მეცადინეობით ბ. წერეთელი და მისი კამპანია უკვე შეიპყრეს. ბ. სვიმონოვის წყალობით პოლიციის მოსამსახურეთა შესახებ ისეთი წესებია შემოღებული, რომელთა მეოხებით იმ სამწუხარო მოვლენათა — ცარცვა-გლეჯას, შუადღისას და შუაღულ ქალაქში აღარ

ვიხილავთ. მხოლოდ მიუცილებლად საქიროა, რომ ბ. სვიმონოვის მხარი მისცენ ყველა მისმა თანამოსამსახურეებმა და საზოგადოებამ.

* *

არქიერის გორაზე მცხოვრებნი ქუთაისში დიდ გაჭივრებაში არიან უგზობისა გამო. ამ გაჭივრებას დღემდის ითმენენ საწყლები, მაგრამ რაიმე აუღმყოფობის დროს მეტად უბედურს მდგომარეობაში არიან მცხოვრებნი, რადგან ჩვენი ექიმები უეტლოდ ფეხსაც არ ადგმენ და ამ გორაზე ეტლი ძლიერ ძვირად ამოდის. გარდა ამისა ამ გორაზე არის სასულიერო სასწავლებელი, რომელშიც 600 ყმაწვილი სწავლობს და რომელთაგან ქალაქის მცხოვრებთ დიდი შემოსავალი აქვსთ. აქვე არის ყოვლად სამღვდლო გაბრიელის სასახლეც. იმერეთის ეპისკოპოსი გაბრიელი დიდი ხანია სთხოვდა, ეხსიცი ჯერ იყო, რომ ფერმის ქუჩიდან მის სასახლემდე გავყვანათ ხეირიანი გზა. მაგრამ მათი მეუფების თხოვნა არ იქმნა შეწყნარებული. დადგა თუ არა ქალაქის ახალი მოურავი, მან ყურადღება მიაქცია მათი მეუფების კანონიერ მოთხოვნის და მასთან სთხოვა ყოვლად სამღვდლო გაბრიელს, რომ სამღვდლოებასაც დახმარება აღმოეჩინა ამ გზის გასაკეთებლად. ყოვლად სამღვდლო მიმართა სამღვდლოებას, რომელმაც სინარულით მიიღო თავისი საყვარელი მწყემსმთავრის თხოვნა და თავის შეძლებისამებრ გამოიღო ფული ხსენებული გზის გასაკეთებლად. ქალაქის მოურავმა ბ. ლოლუამ მოახსენა ამ საქმის ყოველივე გარემოება ქალაქის საბჭოს, რომელმაც ერთ თავის კრებაზე უკვე დაადგინა ამ გზის გაყვანა და თავის თავზე ნახევარი ხარჯის მიღება. ამ დღეებში ხსენებული გზა უკვე გაბლანეს და იმედია, მალე შეუდგებიან მუშაობასაც.

* *

ელადიკავკავის ეპარქიის სასულიერო მთავრობას, დიდი ხანია, სურდა რომ საქართველო-იმერეთის სინოდალნი კანტორის დამოკიდებულებისაგან განთავისუფლებულიყო და პირდაპირ უწმიდეს სინოდთან ჰქონოდა საქმე. როგორც ხმები ისმის, ეს სურვილი უკვე შესრულებია ამ ეპარქიის სასულიერო მთავრობას. ესლა საქმე იმაში მდგომარეობს, თუ როგორ მოიქცევა კავკასიაში მართლ-მადიდებელი ქრისტიანობის გამაერცვლებელი საზოგადოება, რომლის უმეტესი ფული ხსენებულს ეპარქიაზე იხარჯება. იმედი უნდა ექიონიოთ, რომ აფხაზეთის ეპარქიაც მოიპოვებს, რომ ასეთივე დამოკიდებულება მოიპოვოს.

მაშინ მთელი საქსარსოსო იქნება შემდგარი სამი ეპარქიისაგან. გასაკვირველია, თუ უფრო შორეული მხარეების ეპარქიებისათვის შესაძლებელია, რომ მათ პირდაპირი დამოკიდებულება იქონიონ უწმ. სინოდთან, რატომ ესევე არ შეიძლება ჩვენი მხარისათვისაც?...

* *

სოფლის ვალმა ჩუნეშოს წმ. გიორგის ეკკლესიის მღვდლის სიმონ ნემსაძისაგან ჩვენ მივიღეთ შემდეგი წერილი:

«მ. რედაქტორო! უმარჩილესად ვთხოვთ მისცეთ ადგილი ამ შეწირულებათა სიას თქვენს პატივცემულს გაზეთს «მწყემსში», რომელთაც თვისის ეკილ მნებელობით ისურვეს შეწირვა ჩემდამი რწმუნებულის ვალმა ჩუნეშოს სოფლას წმიდას გიორგის ეკკლესიისადმი: კნენა ანასტასი ლორთქიფანიძისა, სიმონის ასულმან ერთი ხელი შესამოსელი ფარჩისა: ფილონი, ოლარი, სარტყელი, სამკლავები, და ბედენიკი, ღირებული 30 მან. შემოსწორა, მოახსენებლად გარდაცვალებულის მისი მეთულის თავადის ნიკო გიორგის ძის ლორთქიფანიძისა.—

თავადის ბესარიონ ბუჭუას ძას ლორთქიფანიძის მეთულა ნინომ — ბრეშუმის სტიხარი, ოლარი, სარტყელი და სამკლავები, ღირებული 15 მანეთად, მოახსენებლად დედისა მისისა ელისაბედისა.

მღვდელმა სიმონ ნემსაძემ, მოახსენებლად გარდაცვალებულისა ძისა ჩემისა ელადამირისა შევსწირე ამა ეკკლესიას: ერთი განსაზღვრული ვერცხლისა, ერთი შანდალი ფრაქისა, ერთი საიაზმე მაკარის ხელოვნებისა, ერთი ჯვარი ტრაპეზზედ დასადები მაკარისავე ხელოვნებისა, საწიგნე და სამგალობლო, ერთი რწყელი შავი ხავერდას შესამოსელი: ფილონი, ოლარი, სტიხარი, სარტყელი და ბედენიკი. ყველა ეს ჩემგან შეწირული ნივთები არის ღირებული 60 მან. და 35 კაპეიკისა.—

ზემო აღნიშნულ ორთა შემომწირველთა გულითად მადლობას უძღვნით, როგორც მთლად ჩემი მრევლი, აგრეთვე მეც. ვისურვებ, რომ ამ კეთილ საქმეს მიზაძეველი აღმოჩენოდეს ჩვენი ღარიბი ეკკლესიის შესაწევნელად».

სწავლა და მეცნიერება ქრისტიანობრივ სარწმუნოებასა და კეთილზნობაზედ.

წმ. დიდი მოწამე ქეთევანი, კახეთის დედოფალი.

(13 სექტემბერს)

წმიდა დიდი მოწამე ქეთევანი იყო ასული აშოთისა, მფლობელი თავადის ბაგრატიონ — მუხრანსკისა. სიყრმიდგანვე ქეთევანი იყო დიდი ღვთის მახური და მტკიცე ხასიათისა, რომელთა წყალობით მან ბოლოს მოიხვეჭა მოწამებრივი გვირგვინი. ქეთევანი, როცა იგი კახეთის მეფე დავითის მეუღლედ გახდა, განაგებდა სახელმწიფო საქმეებს ნაცულად თავისი უნიკო მეთულისა და კიდევ მოიკვანა სახელმწიფო საქმეები წესიერებაში. ქეთევანმა დაამშვიდა ურჩა და მუამბოხე დიდ-კაცობა, დაიფარა თავისი სამეფო გარეშე მტერთაგან, აღმოუჩინა მფარველობა ქრისტეს ეკკლესიას და სახელი გაითქვა ქველმოქმედებით.

დავითი მხოლოდ ექვს თვეს იყო მეფედ. მისი გარდაცვალების შემდეგ კახეთის სამეფო ტახტი ხელმეორედ დაჭრა მოხუცებულმა ალექსანდრე II, დავითის მამამ, რომელსაც მეფობა წაართვა თავ-მოყვარე შეილმა. ალექსანდრეს შემკვიდრედ ითვლებოდა მისი უმცროსი შვილი გიორგი. ქეთევანს ჰყავდა ქეთიმურაზი, რომელიც მძევლად გაუფანა სპარსეთის მეფეს, თვითონ კი დავსახლა ერთს განკერძოებულ ადგილს და შეუდგა თავის სულის საქმეს. რადგანაც მეფე ალექსანდრე იყო მოხუცებული, და მისი მემკვიდრე გიორგი ძლიერ ახალგაზდა, ამიტომ სპარსეთის შაჰიმ აბას I მოინდომა ესარგებლებია ამ შემთხვევით, დაევკრო კახეთი და გაევრცელებია იქ მაჰმადის სარწმუნოება. შაჰის სატახტო ქალაქ ისპაჰანში სცხოვრებდა მეფე ალექსანდრე მეორეს შვილი კოსტანტინე, რომელმაც მიიღო მაჰმადის სარწმუნოება და ძლიერ ბიწიერად სცხოვრებდა. შაჰიმ მოინდომა ამ ქრისტეს სარწმუნოების მგმობელს, ქრისტიანობის სასტიკ მტერს, დაევკრო კახეთი, მოეკლა მამა, და, ძმა და

თვით გამხდარყო ამ ქვეყნის მეფედ და გაეცვლენ-
ბია კახეთში მაჰმადის აღსარება. კოსტანტინე აუარე-
ბელი ჯარით მოვიდა კახეთში, ეშმაკობით მოიტყუა
თავის ბინაზე თავისი მამა ალექსანდრე და თავის ძმა
გიორგი და აქვე უბრძანა თავის მხლებლებს აეკუსათ
ისინი და მათი მახლობლები. გარდაცვალებულთა
გვაგები კოსტანტინემ გაუგზავნა ქეთევანს და თეოდონ
მას შეუთვალა გაჰყოლოდა მას მეუღლედ, წინააღ-
მდე შემთხვევაში მუქარას უთვლიდა, რომ ძალათი
შეერთებდა მას ცოლად. ღვთის მოშიში დედოფალი
აღაშფოთა ამისთანა წინადადება და გამოგზავნილი
კაცების პართ დედოფალმა კოსტანტინეს მკვახე
უარი შეუთვალა. ამის შემდეგ მივილი კახეთის დიდ-
კაცობა დედოფლის წინადადებით ჯარით გამოვიდა
სპარსელების წინააღმდეგ. კოსტანტინეს ჯარი სრუ-
ლიად დამარცხდა და თეოდონ კოსტანტინეც მოჰკ-
ლეს.

სპარსელების დამარცხების შემდეგ, ქეთევანი,
როგორც ერთად ერთი წარმომადგენელი სამეფო
სახლისა, ძალაუფლებურად ხელახლად შეიქმნა სახელმ-
წიფოს გამგედ. მაგრამ მას სურდა მოეშორებია თა-
ვიდამ ეს მძიმე ტვირთი. შეჰკრიბა გამოჩენილი დეს-
პანები და გაგზავნა იგინი სპარსეთის მეფე აბასთან
და სთხოვა მას დაებრუნებინა მისთვის ძე თეიმურაზი,
რათა იგი გაემეფებია კახეთში. დესპანებმა მიართვეს
შაჰის მდიდარი საჩუქრები და მასთან მათ განუცხა-
დეს შაჰს, რომ, თუ იგი უარს ეტყვის მათ, კახეთი
შეუერთდება სათათრეთს, რისიც მუდამ ეშინოდა
შაჰს. შაჰამ მდიდრულად დასაჩუქრა თეიმურაზი და
გამოგზავნა კახეთში. მოვიდა თუ არა თავის სამშობ-
ლოში, თეიმურაზმა თავის დედს ქეთევანისაგან
მიიღო სახელმწიფოს გამგეობა (1605 წ.), ამის შემ-
დეგ ბევრ ხანს არ გაუკლია, რომ თეიმურაზმა ცო-
ლი შეერთო და მიეცა ორი ვაჟი და ერთი ქალი.
აქედამ დაწყო ყოველივე უბედურება თეიმურაზ I
სახლობისათვის და განსაკუთრებით მისი დედის ქე-
თევანისათვის. აბასმა მიიხზა ისპაგანში თეიმურაზი,
თითქო გასართობად, რადგან თეიმურაზი მომეტებუ-
ლად შეაწუხა მეუღლის სიკვდილმა. აქ შაჰამ წინა-
დადება მისცა თეიმურაზს შეერთო მას ცოლად
ქართლის მეფის ლუარსაბ II-ის ქალი, ხოლო თეი-
მურაზი კი სურდა ლუარსაბის მეორე ქალის ცოლად
აყვანა, მაგრამ არ ამცხადებდა კი, თუ თეოდონ
რომელი სურდა ამ ორ დაში, უფროსია თუ უმც-

როსი. თუმცა ქართლის მეფე ლუარსაბ II
თეიმურაზი ნათესავეები იყვნენ, მაგრამ რადგან აბასი
ძალას ატანდა, თეიმურაზი დაბრუნდა კახეთში, შე-
ერთო ცოლად ლუარსაბის უფროსი ქალი, ხოლო
უმცროსი და სპარსეთში გაუგზავნეს შაჰის. აბასი
დარწმუნებული იყო, რომ ორივე მეფეებისაგან უარს
მიიღებდა, რადგან მისი მოთხოვნილება წინააღმდეგი
იყო ქრისტეს სჯულისა და მხოლოდ მიზეზს ეძებდა,
რომ ომი გამოეცხადებია ამ მეფეებისათვის, მაგრამ
ლუარსაბ მეორეს და თეიმურაზს არ სურდათ თავისი
ქვეყნის და ხალხის აოხრება და ამიტომაც შეასრულეს
სპარსეთის მზაკვარი მეფის მოთხოვნილება და ამით
შეაყენეს მისი განზრახვა. როცა ამ გზით იმედი გა-
უკრუვდა აბასს, მაშინ გამოაცხადა, რომ მას სურდა



წმ. დიდა მღვანე ქეთევანი

ლუარსაბ მეორის უფროსი ქალი, რომელიც თეი-
მურაზმა მოსტაცა მას. ამ მიზეზისა გამო აბასი შე-
უდგა სამხადისს, რომ ომი გამოეცხადებია კახეთის
მეფისათვის.

შეიტყვეს თუ არა ეს აშბაფი კახელბმა, მიეღ-
ნენ თეიმურაზსთან და სთხოვეს, რომ მას შაჰისთან
გაეგზავნა შუამავლად თავისი დედა ქეთევანი. ბრძენმა
დედოფალმა კარგად იცოდა, რომ აშბასი მიზნებს
ექვბდა აფორებია კახეთი და ამიტომ მისი გაგზავნა
არაფიორ სარგებლობას არ მოიტანდა, მაგრამ მაინც
დაეთანხმა თავის ზვილის და ხალხის თხოვნას და
გაემგზავრა სპარსეთში, და თან წაიყენა უნტროსი
შვილი მეფე ალექსანდრესი. შაჰიმ ალერსიანად მიი-
ღო ისინი, მაგრამ ამასთან სთხოვა ქეთევანს, გამო-
ეხმო მას სპარსეთში მეფის თეიმურაზის უფროსი
შვილი ლეონი და აღუთქვა, რომ მე აღეზრდი მას
ისე, როგორც შევეყვება მომავალს მეფესო.

თეიმურაზმა იცოდა, თუ რა უბედურებაც მო-
ელოდა მას, მაგრამ დიდკაცების თხოვნას ვეღარ
წაუყიდა და ამიტომ გაგზავნა სპარსეთში თავისი
მემკვიდრე ლეონი. მაშინ შაჰიმ გაიხმო სპარსეთში
თვითონ მეფე თეიმურაზიც. ხალხი სთხოვდა მეფეს,
წასულიყო აშბასთან, მაგრამ მეფე ვერ ბედავდა,
რადგან კარგად ხედავდა მოსალოდნელ უბედურებას.

ამ დროს მეფე აშბასი გამოემგზავრა კახეთისკენ
ჯარით და სრულიად აღაოხრა ეს ქვეყანა; ვინც კი
ცოცხალი გადარჩა, ისინი სპარსეთში გადაასახლა.
როცა საომრად გაემზავრა კახეთისკენ, შაჰიმ ბრძანა
დაეპატიმრებიათ ქეთევანი და მისი ორი შვილის-შვილი.
ხუთი წლის შემდეგ მეფის შვილები ალექსანდრე და
ლეონი მოაშორეს ქეთევანს, დაჰკოდეს იგინი და
გაგზავნეს ისპაგანში.

ათი წელიწადი წმიდა ქეთევანი სპატიმროში
იყო. მან სპატიმროში გაიკეთა პატარა ეკლესია,
და მისი მოძღვარი ყოველ დღე ასრულებდა ამ ეკ-
ლესიაში წირვას. წმ. ქეთევანი ხედავდა, რომ და-
ბოლოს მას ელოდა წამება და ამიტომ წინდაწინვე
ემზადებოდა, რომ ბოლოს გაბედულად აეტანა ყო-
ველგვარი წამება. იგი დიდის ხნობით მარხულობდა,
დღე და ღამეს ლოცვაში ატარებდა, ეძინა მიწაზე,
თავ-ქვეშ იდებდა ქვას და ამის გამო ძლიერ შე-
წუხებული იყო. სპარსელები კი ყოველივე ღონეს
ხმარობდნენ, რომ ქეთევანს მიეღო მაჰმადის აღსა-
რება. მაგრამ ვერც უმალღესი და უმტროსი მოსე-
ლების თხოვნამ, ვერც სიმდიდრის აღთქმამ, ვერც
ვერავითარიმე შეწუხებამ და ვერც სპარსეთის დედოფ-
ლად განდობის აღთქმამ ვერ იმოქმედეს ქეთევანზე
იმდენად, რომ მას რაიმე ცუდი ეთქვა ქრისტეს სარ-

წმუნობის წინააღმდეგ. როცა ამ გზით სპარსელები
ვერას გახდნენ, შაჰიმ პირდაპირ ბრძანა გამოეცხადე-
ბიათ ქეთევანისათვის, რომ მას უარი ეთქვა ქრისტეს
სარწმუნოებაზე, წინააღმდეგ შემთხვევაში მას მოე-
ლოდა წამება და სიკვდილი.

წმ. ქეთევანს დაუწყეს წვალება განუზრებულო
რკინით. როცა მებრძოლებმა დაანთეს ცეცხლი და
იწყეს სხვა და სხვა იარაღების მზადება საწვალებლად,
ქალაქის უფროსმა, რომლის თანადასწრებით უნდა
ეწვალებიათ წმ. ქეთევანი, ვერ აიტანა ეს სანახაობა,
ტირილი დაიწყო და მოშორდა იქაურობას. დედოფ-
ლის მოსამსახურეთ, როცა ანთებულ ცეცხლთან
მიიყვანეს იგინი, თავზარი დაეცათ და მაჰმადიანთა
სასიხარულოდ უარჰყვეს ქრისტე. თვითონ დედოფ-
ლის მოძღვარი, მღვდელი გიორგი, როცა მოედანზე
გამოიყვანეს, ათრთოლდა, არ იცოდა რა ექნა და
დედოფლის წინაშე მზად იყო სპარსელებს დაჰყო-
ლოდა ნებაზე. მაშინ დედოფალმა გამამხნეებელი
ხმით დაუწყო დარიგება თავის მოძღვარს და ურჩევდა
მტკიცედ დაეცვა ქრისტეს სარწმუნოება. დედოფლის
გამამხნეებელმა რჩევამ ისე იმოქმედა მღვდელზე და
მის მოსამსახურებზე, რომელთაც უკვე უარჰყვეს
ქრისტე, რომ მათ მაშინვე აღიარეს ქრისტე, რისთ-
ვისაც ისინი მაშინვე დახოცეს. შემდეგ მწვალებლები
მიუბრუნდნენ დედოფალს და სასტიკად დაუწყეს წვა-
ლება, რაც კი შეიძლებოდა. ეს წამება უსაშინელესი
იყო იმ წამებაზე, რომელსაც აყენებდნენ ხოლმე
ქრისტეს აღმსარებელთ ქრისტიანობის პირველ საუ-
კუნეებში. მწვალებლებმა სხვა და სხვა განუზრებულო
რკინის იარაღებით ისე დაგლიჯეს დედოფლის სწეუ-
ლი, რომ მის ტანზე ვერ ნახავდით უნებელ ადგილს.
შემდეგ შეუბრალებლად მოჰკლეს წმიდა დედოფალი:
როცა ქეთევანი ცოტათი კიდევ სულთქმავდა, იმას
განუზრებულო ქვაბი ჩამოაცვეს თავზე.

როგორც კი დასრულდა წმ. ქეთევანის წამება,
უფალმა ღმერთმა განაღდა წმიდანის გვამი. ურიცხვი
ხალხის თვალ წინ, რომელიც იქვე იყო შეკრებილი
მოედანზე, სამი ბრწყინვალე სვეტი ჩამოეშვა ციდან
და დაადგა წამებულის გვამს. როცა შაჰის ბრძანე-
ბით წმ. ქეთევანის გვამი ქალაქს გარედ გაიტანეს და
საღლაც ერთს უწმინდურს ადგილზე დაადგეს, ეს
სამი ბრწყინვალე სვეტი იქაც თავს დაადგა მოწამის
გვამს. ღამით ქრისტიანებმა ფარულად წაიღეს მო-
წამის გვამი და მიწაში დამარხეს. ცოტა ხნის შემდეგ

ერანგის ბერებმა იპაენეს წმ. ქეთევანის გვამი და ღიღხანს ინახადენ მის სხეულს. ბოლოს გვამს მოაშორეს თავი და მარჯვენა ხელი და საჩუქრად გაუგზავნეს დედოფლის შვილს თეიმურაზ პირველს, რომელმაც ეს წმინდა ნაწილი დასაფლავა წმ. გიორგი ალავერდის საკრებულო ტაძრის ტრაპეზის ქვეშ; დაწარჩენი ნაწილი წმიდანის გვამისა საიდუმლოთ გაგზავნეს რომში და იქ ჩასვენებულ იქმნა წმ. პეტრეს საფლავში, სადაც ღღემღისაც ინახება ეს წმიდა ნაწილი.

წმ. დედოფლის ქეთევანის წამება და სიკვდილი მოხდა 13 სექტემბერს 1624 წელსა.

საეჭვო კითხვების განმარტება.

მამია ჭვჭავჭავაძე!

გთხოვთ განმარტოთ შემდეგი კითხვები:

კითხვა. ნათლისღების დღეს, მოდესაც წყლის გუროსკვას გაათავებენ და ჭვარს ნაკუროს წყალში ჩაასვენებენ, გამოვა კანზე მსურველი და მასს ამოასვენებინებენ ჭვარს. მღვდელი გამოაჩნდევს ამ კაცს ჭვარს და მას უსხურებს შირველად და მუკმე სხვებს; ამ კაცს ეძახიან ჭვარის ამომწვეან კაცს, ამისთვის ეს კაცი საჩუქარს აძლევს მღვდელს და შესაწინავეს ეგვლეხიას. გთხოვთ განმარტოთ, ამ ჩვეულების აღსრულება კანონით აუცილებელი არის, თუ არა?

მიგება. დიდი ხანია ამისთანა წესი აღკრძალულია.

კითხვა. წყაროზედ წყლის გუროსკვას გათავების შემდეგ ზოგიერთი მღვდლები და საღვთო დაბრუნების ეპიკლესიაში, და იქ ათავებენ წიკვის უკანასკნელ ჩამოღობვას და ხაღხას წყლის სხურებას, ზოგიერთნი წყაროზედვე ათავებენ ამ ჩამოღობვას და წყლის სხურებას, და წყაროდან მიღიან თავის სასღვთო. გთხოვთ განმარტოთ, რომელი არის კანონიერი და რომელია უკანონო, თუ რომეუ ნაიმი მოკმედება კანონიერია?

მიგება. კრებული მდინარიდამ ან წყაროდამ ეკლესიაშივე უნდა დაბრუნდეს შემოსილი და იქ უნდა დაასრულოს მღვდელ-მოკმეღება ჩამოლოცვით. რუ თუ ეს ცხადათ არ არის ნაჩვენები კურობევიანში და ტიბიკონში?

კითხვა. შეუძლია თუ არა მღვდელს თავისი შეიდი მოულოდნელი შემოსევის დროს უმიმკმელოდ მონათლოს?

მიგება. შეუძლია.

კითხვა. მასკეში გაჭდაცვალეზულ მღვდელსა ზედა რომელი წესის აგება უნდა: მასკესის, თუ საეკეთი?

მიგება. რომელსაც უჩენს ტიბიკონში, ის წესი უნდა აღსრულდეს.

კითხვა. მღვდელს შეუძლია თუ არა თავისთვის ანუ თავისი ცოლისთვის ქსწიარს?

მიგება. რასაკვირველია, შეუძლია. ამაში, ვგონებ, ეჭვი არავის უნდა ჰქონდეს...

კითხვა. ქარწინებაში ბეჭდების შემცველ მძაღს და დადეს აქვსთ თუ არა ნათესაობა მეფე-დედოფალთან?

მიგება. არ ჩაითვლებიან ნათესაებად.

კითხვა. შეიძლება თუ არა, რომ მღვდელი მიმკმელოდად იქმნეს და კიდევ მონათლოს ზეგუში და საბუთებში აჩვენოს თავი თავისი მიმკმელოდ და ნათლისღების საიდუმლოს აღმსრულებელად?

მიგება. თუ იმ სოფელში, ან მთელს მახრამში მღვდელსა და მოსანათლოვ ბავშვს გარდა აღარავინ იქნება მცხოვრები, რასაკვირველია, შეუძლია.

კალენდარული ცნობები

ი ა ნ ე რ ი ს ო მ.

ზჟ კვირიავე. საცისკრო სახარება მარკოზისა, თავი ომ. მუხ. მ. ხმა ჟ.

ი ა ნ ე რ ი ს ჟ.

ზჟ კვირიავე, საცისკრო სახარება მარკოზისა, თავი ომ. მუხლი მ—ჟ. ხმა ჟ.

ი ა ნ ე რ ი ს ზ.

კვირიავე ზზ. საცისკრო სახარება ლუკასი, თავი ჟზ, მუხლი ოჟ. ხმა ზ.

თებერლის ჟ.

მ ი რ ქ მ ა უ ფ ღ ი ს ა.

სახარება, ტროპარი და კონდაკი დღისა.

თ ე ბ ე რ ე ღ ი ს ჟ.

ზზ კვირიავე. მეზვერე და ფარისეველისა. ხმა ჟ. საცისკრო სახარება ლუკასი, თავი ჟზ. მუხლი ოჟ—ზჟ.

რედაქციის პასუხი.

მმ. ფ. დატიაშვილს. «მწყემსი»-ს პრემია თქვენ გამოგიგზავნეთ და პ. პანცაძეს. ფოსტით. მოიკითხეთ ფოსტაში.
 მ. პლ. ი. ჩხე—ლს. ერთსა და იმავე საგანზე ამდენი კითხვა შეიძლება? სამ მანეთად გაზეთი დაგიომეთ სილარბისა გამო და პრემიაც გამოგიგზავნოთ? ეს სწორეთ იმას ეგვანება, ერთი მღვდელი რომ დადიოდა და ხალხს ეუბნებოდა: „გინც მაწირვინებს, სახნისს ვაჩუქებო!“...

მიიღება ხელის-მოწერა 1894 წლისათვის ორ კვირულ გამოცემათა ქართულს

„მწყემსი“ - ზე.

რუსულ «П А С Т Ы Р Ь»-ზედ

მიზანი და დანიშნულება გაზეთისა: 1) შეატყობინოს სამღვდლო და საერო წოდებას ყველა განკარგულება და მოქმედება უმაღლესთა სასულიერო და საერო მართებლობათა, კონსისტორიათა და მღვდელ-მთავართა; 2) გააერთელოს ქართველ სასულიერო წოდებაში და ხალხში სალიტურატურო სწავლა და ცოდნა საეკლესიო და საზოგადოებრივი ცხოვრების კითხვათა შესახებ; 3) გააერთელოს საქართველოს სამღვდლო და საერო წოდებაში სწავლა და მეცნიერება ქრისტიანობრივი კეთილ ზნეობისა და სარწმუნოებისა და 4) აუხსნას და განუმარტოს სამღვდლო და საეკლესიო მოსამსახურე პირთა ზოგიერთი საეჭვო კითხვები, რომელთა ცოდნა მიუცილებელ საჭიროებას შეადგენს მათთვის მტკიცედ მათი მოვალეობის აღსრულებისათვის.

მიზანი და დანიშნულება რუსული გამოცემისა ზემოხსენებულის პროგრამის აღსრულების გარდა არის—1) შეატყობინოს რუსეთის სასულიერო და საერო წოდებას შინაარსი შესანიშნავ და საინტერესო

სო «მწყემსი»-ში დაბეჭდილ სტატიებსა; 2) გააცნოს რუსეთის სასულიერო და საერო წოდებას საქართველო, ეს დაშორებული კუთხე რუსეთის იმპერიისა და საქართველოს სასულიერო და საერო წოდება ქართული გამოცემის საშუალებით გააცნოს რუსეთის სასულიერო მწერლობას ჭ ხალხის ცხოვრებას.

ფასი ქურნალისა:

12 თვით «მწყემსი» 5 მ. | 6 თვით «მწყემსი» 3 მ.
 — „ორივე გამოცემა 3 მ. | — „ორივე გამოცემა 4 მ.
 — „რუსული „ 3 მ. | — „რუსული „ 2 მ

სოფლის მასწავლებელთ «მწყემსი» დაეთმობათ მთელის წლით სამ მანეთად.

რედაქციას აქვს კანტორები: ქუთაისში ხანანაშვილების სახლებში და ყვანაღაში რედაქტორის საკუთარს სახლებში.

ზაზეთზე ხელის-მოწერა შეიძლება როგორც ყვანაღაში, აგრეთვე ქუთაისშიაც.

ბარეშე მცხოვრებთა ქურნალის დაბარება შეუძლიათ ამ აღრესით: Вь Квирилы, вь редакцію газеты и журнала „МЦЕМСИ“ и «ПАСТЫРЬ».

1894 წლის «მწყემსი»-ს

ხელის მომწერლებს საჩუქრათ დაურთიგდებათ მოზარდილი მხატვრობა

თამარ მეფისა.

მხატვრობა წარმოადგენს იმ დროს, როდესაც შოთა რუსთველი მხართვეს თამარს თავის უკვლავ პოემას «ქეფის ტყაოსანს». ამ მხატვრობაზე იქნება დახატული თერთ შოთა რუსთველი და თამარის მხლებლებაც იმ დროის ტანთ-საცმელში.

შინაარსი: სახალწლო ნატერა.—სახალწლოდ.—ახალ წლის გამო (დექსი).—ჩვენი ძველი მოღვაწე პირები.—პედაგოგიის ისტორიიდგან.—ბიბლიოგრაფიული შენიშვნა.—ახალი ამბები და შენიშვნები.—წმ. დიდი მოწამე ქეთევანი.—საეჭვო კითხვების განმარტება.—რედაქციის პასუხი.—განცხადება..